



## Komunikado 2020-036

### **Empleadonan di CBCS lo traha for di kas atrobe komo medida prekoushon di Covid-19**

Willemstad/Philipsburg – Relashoná ku e subida di e kasonan positivo di COVID-19 na Kòrsou, *Centrale Bank van Curaçao en Sint Maarten* (CBCS) a disidí, komo medida di prekoushon, ku entrante djárason 25 di novèmber empleadonan ku no tin mester di ta den banko pa ehersé nan funshon mester traha for di kas pa e próksimo dos simannan. Tur reunion (interno i eksterno) lo tuma lugá di forma virtual.

CBCS ya pa algun tempu ta aplikando trahamentu for di kas parsial relashoná ku e pandemia di COVID-19 i ta sigurá ku e medida aki no ta komprometé e funshonnan krusial. Te ku asina leu no tin ningún sospecho di kasonan di infekshon ku e vírùs di COVID-19 entre empleadonan di CBCS.

E departamento di Kaha na Kòrsou lo keda será por lo pronto. Esaki ta enserá ku lo no bende ni interkambiá monedanan ni biyetenan. E tasa di kambio di moneda lo keda anunsiá diariamente riba wèpsait di CBCS.

CBCS ta enfatisá ku solamente ku forsa uní por kombatí e brote di e vírùs di corona. CBCS ta konta ku bo kompreshon i aporte.

Willemstad, 25 di novèmber 2020

CENTRALE BANK VAN CURAÇAO EN SINT MAARTEN